

1870.

12. oktbr.

**89. Bréf dómsmálastjórnarinnar til stiptsyfirvaldanna á Íslandi, um styrk handa lækni í Barðastrandar- og Strandasýslu.**

Í bréfi 22. ágúst þ. á. hafið þér, herra stiptamtmaður og háæruverðugi herra, skýrt frá, að kandídat í læknisfræði Ólafur Sigvaldason hafi sókt um, þá er búið var að birta honum bréf dómsmálastjórnarinnar 4. desbr. f. á.<sup>1</sup>, að styrkur mætti verða veittur úr hinum íslenska læknaþjóði, svo sem mælt er fyrir í konungsúrskurði 10. maí 1867, þegar hann sè seztur að og orðinn þjónandi læknir í Barðastrandar- og Strandasýslu í vesturumdæminu; hafið þér ennfreður getið þess, að sökum þess, að mikil þörf er á lækni í þessum sýslum, sem eru svo mjög afskekktar, þá hafið þér veitt honum styrkinn í von um samþykki stjórnarráðsins, með þeim skilmálum, sem mælt er fyrir í auglýsingu 31. maí 1867<sup>2</sup>, og þannig, að hann skuli vera skyldur til að setjast að á þeim stað í nefndu héraði, sem amtmáður í vesturumdæminu taki til; þér hafið ennfreður bætt því við, að fyrnefndur kandídat Ólafur Sigvaldason hafi skýrt frá, að hann sè seztur að sem þjónandi læknir í nefndum sýslum á Hríshóli í Reykhólasveit, og farið þess á leit, að stjórnarráðið samþykki ráðstafanir þær, sem þér hafið gjört í þessu efni.

Útaf þessu gefst yður til vitundar, yður til leiðbeiningar, að stjórnarráðið hërmeð fellst á aðgjörðir yðar, sem áður er getið.

12. oktbr.

**90. Bréf dómsmálastjórnarinnar til amtmannsins yfir vesturumdæminu, um lækniþjónustu í Barðastrandar- og Strandasýslu.**

Dómsmálastjórnin hefir í dag skrifað stiptsyfirvöldunum á Íslandi á þessa leið:

<sup>1</sup>) Tíðindi um stjórnarmálefni Íslands II., 828.

<sup>2</sup>) Tíðindi um stjórnarmálefni Íslands II., 432.